

靈芬館詞四種

靈芬館詞總目

蘅夢詞

二卷

浮舂樓詞

二卷

懺餘綺語

二卷
剛出

序

昔楓江漁父爲詞苑叢談一書，余覽之而惑焉。夫流品別則文體衰，摘句圖而詩學蔽。花庵淫綺，爭價一字之奇；草堂噍殺，矜惜片言之巧。乖道繆典，鮮能通圓。是以耆卿騫翻于津門，邦彥厲響于照碧。詞至北宋而一變，石帚玉田，理定而摘藻。梅谿竹山，情密而引辭。詞至南宋而又一變，若夫吹律風騷，調鐘韶濩，寫纏絲于香草，寄哀豔于紅牙，則又遙原濬波，酌而不竭，婁斤般墨，高下在心。吾友郭子頻伽，少習倚聲，長嫺詩教，走馬礮碯，塞上沽酒，烏丸城邊，回腸盪氣，搖曳情靈。旣而端憂多暇，襟以變徵，蓋蓄隱而意愉，實懷愁而慕思也。頻伽本吳產，年來僑寓魏塘，魏塘爲昔賢歌觴之地，醋坊橋畔，腸斷東山水磨頭前，情緣白石，近乃取所爲蘅夢浮眉兩

詞葉而行之。余讀之既作而斬之曰。東澤綺語。家世番陽。草
窗笛譜。淵源歷下。鳩以翦而語慧。杏必嫁而實繁。豈薄虹亭
而心折。小長蘆釣師耶。頻伽笑而不答。遂書之以弁其端。錢
唐友弟陳鴻壽

余少喜爲側豔之辭、以花閒爲宗、然未暇工也、中年以往、憂患尠、權則益、討沿詞家之源流、藉以陶寫、詎塞、寄託清微、遂有會于南宋諸家之旨、爲之稍多、其於此事、不可謂不涉其籓籬者已、春鳥之啾、秋蟲之流、喝、自人世之觀、似無足以說耳目者、而蟲鳥之懷、亦自其胷臆閒出、未易輕棄也、爰鈔丙辰以前爲薺夢詞、丙辰迄今曰浮眉樓詞、各二卷、序而存之、自此以往、息心學道、以治幽憂之疾、其無作可也、嘉慶八年癸亥、頴伽居士郭慶敘

蘅夢詞

吳江 郭塵 祥倫

卷一

風蝶令

礎入尖風響。鐙留短燄紅。一衾幽夢斷孤鴻。正是可憐時候，
可憐儂。鏡約眉痕外。琴聲鬢影中。玉昌不合住牆東。贏得
傷春傷別。悵重重。

一翦梅

莫愁生小鬢金堂。鬢點飛黃。機織流黃。曼聲一曲轉清商。塵
繞歌梁。花顛釵梁。洞房對靄頓書倉。一丈紅蕖。只隔紅牆。
題成錦字少人將。月自迴廊。人自迴腸。

菩薩蠻

垂簾柳放雙金蒜。卷簾腕露雙金釧。細雨溼芭蕉。綠窗人寂寥。
好從簾外走。湘影橫波溜。珠子護雙鴉。兩鬟抹麗花。

又

花幡不禁封姨惱。碧紗窗裏春寒峭。雛燕落風前。嗔人不卷簾。
闌青南陌路。又把佳期誤。寒食杏花天。魂銷似去年。

賣花聲

深院鎖葳蕤。青鳥飛遲。閒將寸紙寫相思。小研墨香銅雀瓦。
自畫烏絲。窗扇耀琉璃。月影迷離。也曾刻燭倚新詞。到得
海棠新月上。便憶當時。

天仙子

小亭開晏梨花白。釵痕衫影湘屏隔。衆中欲避暗中來。仍小
立。眼波瞥。有人見了紅雙頰。

一痕沙

落了梨花香雪。過了荒村寒食。負了去年期。可憐伊。三月
已將三十。記得去年今日。今日是何時。沒人知。

菩薩蠻

寒夜

熏爐灘。寒無力。清冰一片紅。麤溼抱影就。銜眠雁聲寒。一
天霜華催曉角。殘夢如煙薄。莫道夢無憑。夢兒還不成。

如夢令

漏水沉沉欲凍。煙鎖玉樓雙鳳。喚起小窗前。窗外花枝搖動。
休送休送。今夜月寒霜重。

疏簾澹月

寒月

澄澄寒水漸浸入玉階冷清清地一個愁人獨自披衣夜起
小窗瘦影初斜矣怕難禁清寒如此梅花閣下蘆花簾外那
人睡未此際遣懷無計況殘礎隣燼一時俱至獨立閉庭
惹起幾番心事孤鴻弔影霜天裏暮回頭月明千里今宵酒
醒一釐霜角清愁而已

釵頭鳳

簷鐵

屏山曲春眠足丁冬驚起鴛央宿重簾靜重闌凭月明如水
梨花無影認認認珍珠箔秋千索琤琤攪碎簷前玉呼人
問春來信鸚哥報道東風猶緊聽聽聽

荷葉杯

兩扇綠窗開了含笑獨憑闌羅衫花影兩相照知道月華寒

好事近

深院斷無人。拆徧秋千紅索。一桁畫簾開處。在曉涼池閣。潛行行過曲闌干。往事正思著。猶認墮釵聲響。卻梧桐葉落。

天仙子

難得一春常是雨。東皇也解留人住。芻尼何苦報新晴。簾卷處。橫波語。回身且過秋千去。

憶少年

寄徐江菴

黃花開了兔花寒。峭霜華滿地。酒徒已星散。況酒邊羅髻。燕去鴻歸。人病矣也。無人會此時。意蘆花徧。煙水作雪花。飛起。

一痕沙

夢

雖是無憑無據。還勝不情不緒。萬一得相尋。且覓衾。尋到
年時庭院。又被何人驚斷。鼠觸小屏風也。欺儂。

卜算子

簾外雨如煙。柳外花如雪。已是慳慳薄病天。又作去清明節。
昔日結如心。今日心如結。心裏重重疊疊愁。愁裏山重疊。

鷓鴣天

蚪箭丁丁有所思。纔眠重起故遲遲。銜花如夢人先嬾。霜片
無聲衣自知。寒料峭。病支離。闌簾明月一絲絲。小鬟不敢
前頭說。又到闌干立盡時。

洞仙歌

贈女冠四九

綠瓊鬪上識雲英。仙眷六六屏風障。三面正黃花開處。青豆
房深重。九會算了。又還重算。粧臺試偷覷。寒玉簪煙十八
雙。長直千萬真個。肯移家畫舸五湖占。七十二峰一半。奈三
度巫山夢。都迷央克。使魚鱗寄書蓬苑。段成式詩三十
六鱗充使時

南樓令

憶箭

銀漢一邊流。珊瑚四寸鉤。小紅簾卷起清幽。食鞞嬌鬟風露
下。忘溜了玉搔頭。纖手弄輕柔。新聲曲譜脩。笑檀郎欲顧
無由。腸斷織織今夜。月照兩地。兩人愁。

珍珠簾

憶竹簾

愛他橫影參差滿。無人處。月地雲堦輕轉。非雨復非煙。心字

香一剪挂起瀟湘天接水隔眇眇橫波不斷人懶任歸來雙
燕也還不平管絕憶晚涼池閣那人剛梳洗黛眉猶淺自
起軸駝鉤露一雙金釧還似曲闌干畔見夢多少雨絲風片
人遠想夜來皓月也還不平卷

鳳凰臺上憶吹簫

香獸銷煙雲魚卷彩空庭簾影深深正高窗不掩驚起棲禽
窗外露華如雨休小立滴透羅襟最好是新涼今夜教疊香
衾悄悄者遭瘦也多病最文園負了琴心記碧梧桐院紅
蕩花陰冰骨玉肌無汗天如水人墮瑤簪年時事沉吟至今
今又沉吟

醉太平

風淩露清參斜斗橫兔華如水回縈到簾紋自平 三更四

更無情有恃。枕函殘夢初醒。有金釵墮鬢。

清平樂

水文廣簾。傍墮雙釵燕。花映枕函紅兩靨。羞被小鬟看見。
何人驚起蘅蕪。起來手弄荷珠。得伴片時香夢。翻教人羨青
奴。

醉太平

竹風韻長。荷風氣香。待他月上迴廊。再圍碁不妨。竹風一
窗。荷風半牀。憑肩笑問檀郎。是今涼昨涼。

一落索

荷葉

三十六陂煙霧。迷藏無數。采蓮人到不驚他。是睡著鴛央處。
等得紅衣脫去。無風自舞。西窗窗外有芭蕉。似商略今宵。

雨

無夢令

行過重重樓柱。隨意低低窗戶。一樹碧梧桐。垂在小簾深處。小簾深處。簾外數聲殘雨。

清平樂

流鶯聲巧。春事江南早。心上愁如池上草。不覺不知生了。江南芳草先生。江南行客先行。歲歲年年遊子。風風雨雨清明。

好事近

一月不曾晴。早晚鶉鴉啼急。剛是懸衣換了。卻輕寒側側。年年羈旅送生涯。遮莫又寒食。試向雨聲多處。問杏花消息。蝶戀花

垂絲海棠

山桃落盡醱醱早。積雨初晴紅入紗窗曉。睡起美人潮暈小。笑渠一樣鬢秋倒。病酒心情寒料峭。醒眼看人醉眼看花。好人不著子花定笑。試然絳蠟花間照。

念奴嬌

畫長人悄。正深深一桁。凍花齊揭。甲煎沈香手自熨。心字欲燒先結。十里春風。一聲杜宇。三月楊枝雪。酒邊人遠。酒邊事向誰說。誰念作客天涯。寒氈茸帽。又落花時節。金盞牀頭酒價少。卻恨莫寒猶力。燕子飛來。斜陽何限。江上山重疊。蠟花情重。夜來憑淚如昔。

風蝶令

疏雨重簾卷。生香斗帳熏。夜涼長簟易相親。只有水精曾枕。

隨釵人。籠鳥多羈思。驚猿易感羣。當年聽雨未銷魂。贏得而今各自夜深聞。

浣溪沙

兩葉眉兒晚黛低。兩頭月子畫樓西。兩重心字小蘋衣。永夜雙星人獨立。半年小別夢單棲。斷無人處學含啼。

點絳脣

用夢倚韻

雀舫青簾。放船最好葑門路。滿花香處。涼露多如雨。既是吳儂。只合吳城住。君休誤。玉環人去。錦瑟華年暮。

鳳凰臺上憶吹簫

題姚棲霞女史剪愁吟同朱鐵門作

銀燭筵前。鐵簫巷裏。酒闌客正。繚憂出一編相示。絲格銀鈿。

眞是閒愁萬斛。問恁地、翦得卿愁。分明是芳心灰盡，紅淚還流。仙遊一聲鶴唳，恐玉宇高寒，露冷風秋。悵不逢簫史空怨秦樓，便是殘香臘粉，人間世不合長留。宵深也，吹寒角聲又滿坡頭。樓震游仙詩卻笑樓頭秦弄玉肯攜簫史共乘鸞臨終詩冷夢未成鐙自滅疏鐘畫角一聲聲

菩薩蠻

花朝飲袁湘湄秋水池堂

薄寒細雨城南陌。去年今日花朝節。楊柳一絲絲。河橋人去時。去年春在否。今日花朝酒。楊柳又依依。河橋未別離。

惜分釵

芙蓉褪。青驄馬。明蟬秀鬢人如畫。傍香奩。頓書籤。樓上新眉。樓外新蟾。纖纖。綵鸞跨。蘭香嫁。重來人到重樓下。淚痕添。粉痕漸。滿院楊花。一桁疏簾。慊慊。

憶蘿月

兩斜風細。沈坐春寒裏。一樹小梅花謝矣。又是落鐘天氣。
閒中獨自支頤。暗中苦自尋思。驀地有人看見。低頭兜上鞋兒。

酷相思

乍是新正春未透。早門外絲絲柳。柰脈脈深情渾未透。人見也回頭走。儂見也回頭走。有分透。巡雙勸酒。小語更關後。問別後蘭橈何日。又人去也。書來否。書到也。人來否。

菩薩蠻

自題小影

銀河隔得紅牆住。生綃畱得紅顏駐。仰首問常娥。年年秋柰何。關千十二曲。弱水三千絲。歎自莫思量。思量人斷腸。

蝶戀花

花宮小院得斷縑於壁月鬢風鬟髮未損上書
愛月夜眠遲某月日清環寫字跡妍媚可念爰作
詞以紀之

青豆房中花似露。畫盡春風零落蝸涎蛙。不是深閨畱絹素。
調鉛肯把芳名注。相逢亦有前緣否。花不知名也合殷勤
護。鵲尾金鑑香一炷。夜深蘅夢樓深處。

沁園春

睡

金屋阿嬌霧沫九天。明珠颺風。記越梅如豆。華池先曉。石華
成紉。廣袖偏工。慢臉輕偎。香痕偶著。欲拭還愁。惱個儂。幽懽
遂。又何須銀液。始鎮心忪。私書寫就。息息愛猶帶脂香著。

意封正瓊簫吹徹。印畱一縷。玉栢餘潤。飲過三鍾。巧溼文窗。
戲塗粉蠹。易褪櫻桃小。注紅重簾下。煮檀郎驚認。笑是殘絨。

金縷曲

鴛鴦湖秋感

曉起西風冷。挂輕帆。孩兒橋下。謝孃門徑。落日鴛鴦湖上過。
衰柳條條牽恨。問何不當初折盡。岸草汀蒲都不見。但蘆花
蕭瑟。風淒緊。橫一葉。釣魚艇。春人只把春愁省。誰管他。荒
荒落照。疎疏雁影。去是春初來秋九。兩裏啼痕重印。只湖水
清流如鏡。鏡裏粧樓金翠換。況樓中桂葉明蟬鬢。除漚鷺。沒
人問。

清平樂

小桃如綺。命短東風裏。薄薄輕寒人半臂。且把簾兒垂地。

春人如許年華。春闈幾幅窗紗。又是一番寒食。不知多少飛花。

賣花聲

十二玉闌干。六曲屏山。留春不住送春還。昨夜梨花今夜雨。多分闌珊。春夢太無端。到好先殘。袂衣初換又添慙。只是別來珍重意。不爲春寒。

壽樓春

看簾紋波橫。又日華花影移上簾旌。正是連宵絲雨。曉來新晴。誰喚我柔魂驚。是隔窗春風流鶯。柰繡被香溫。羅幃寒峭。推道殢春醒。當時在芙蓉城。有芳年小小。低語卿卿。無柰朝雲如夢。落花無聲。容易別難爲情。只淚痕依然分明。問碧海青天。銀河有誰吹玉笙。

高陽臺

過流虹橋感葉元禮事

兩岸緋桃一灣淥水。斷橋猶說流虹。舊事無端。牽人舊恨重。
重。多情只合相思死。更何須肩語會通。太匆匆。春盡飛花。淚
盡啼紅。高樓當日知何處。想房櫳宛轉。窗戶玲瓏。天遠瑤
姬彩雲去也。無蹤。人間我亦傷心史。似流鸞只哭春風。小橋
東。新月天邊。依舊如弓。

卜算子

題王朗亭半舫齋

蠡殼短窗兒。斑竹疏簾子。絕似春江桃葉舟。細雨溟濛裏。
安把木蘭橈。便好浮家去。少個低低小舵樓。少個人雙鬢。

柳稍青

被冷香溫。自攜銀燭。掩上重門。隔院啼鴉。上簾斜月。又是黃昏。羅襟別淚猶存。有一半香痕酒痕。心字叢殘。酒人零落。直得銷魂。

視英臺近

和龍劍菴韻

小屏山。雙畫燭。寂寞舊時事。過盡春光。尺素未曾寄。試看樓外垂楊。飛花飛絮。憔悴甚樹猶如此。輕相棄。惟有六扇樓窗。會同那人倚。烟鎖重樓。人更可知矣。料應一點寒鐙。一鉤斜月。今夜裏照伊無睡。

玉樓春

重重簾幙誰家院。東去伯勞西去燕。卻教相別一相逢。只許相思不相見。青絲絡馬香羅薦。別後音書和夢斷。黃昏怪

厓不勝寒。零落梨花如雪片。

金縷曲

題史赤霞翡翠巢詞卽用集中論宋詞韻

戲馬臺邊柳。送征人滿城風雨。歸來重九。除卻新詞無長物。贏得千金享帚。問辛柳一錢直不。尚有梅谿真同調也。十年空費屠龍手。長只是征鞍驟。閒滋九畹寧三秀。度新腔偷聲入破。嚴分細節。天與豔情無豔福。那得笛牀歌袖。但伴我秋燈如豆。先向朋箋書左券。到相逢一笑休開口。歌一闕一。杯酒。

清平樂

秦淮感舊

露臺水榭。天與初涼夜。霧鬢風鬟人去也。面面疎簾都下。

去來苦恨匆匆。相思那得相逢。變盡舊時楊柳。秦淮一夜秋風。

如夢令

衣上微霜漸漸。門外輕寒側側。和淚出門時。又是月高時節。小立小立。聽得一聲將息。

蝶戀花

鹿城半壘園有女郎以簪畫壁作一絕云月厓纖纖扶婢來梨花如雪點蒼苔紅蠶辛苦愁絲盡誰把同功蠶擘開後書一吖字意欲題名而未及者作詞其後亦無使其無傳焉

青粉牆頭苔沒砌。誰拔金釵畫破春痕。細羅襪纖纖來月底。有心人識相思字。天遠彩雲飛去矣。卿自何來有個芳名。

未料得欲題還又止。當時直恁恹恹地。

喝火令

題許校書清露瑤臺圖

鶴背吹笙下。橋頭步履通。雲鬟霧鬢太玲瓏。只恐五銖衣薄，
曉起不禁風。好夢渾難覓。重遊未易逢。鬱金堂北畫樓東。
記得樓頭一樹碧梧桐。記得碧梧桐外兩度月如弓。

鵲橋仙

杏花風裏。梧桐鄉外。七尺燕梢齊播。玉人春病幾多時。直似
此鬟偏髻妥。員冰輕響。寶釵暗墮。知是曉來梳裏有緣也。
算比肩人。只隔箇船兒同坐。

清平樂

河橋楊柳待我開。飄久三疊歌聲將進酒。忘了明朝分手。

書窗六幅輕紗。東風一樹梨花。只有去年春到，去年人到天涯。

鎖窗寒

用片玉詞韻

蛛網黏花。蝸涎篆。那人窗戶輕紗。六幅閉了一春風雨。記當時欲行未行。夜闌呢呢。聞私語。又誰知。此度殘衫。茸帽重來。羈旅。薄莫繫船處。正楊柳腰身。女兒十五。三眠三起。送盡燕儔。鴛侶。問別來。如許。長條飄零。似我還記。不傍東偏。一樹梨花。雲見舊時尊俎。

清平樂

秦淮後感舊

燕兒傳語。人在西湖住。蘇小墳前芳草路。日日輕寒輕雨。

秦淮望斷香車。誰知又到天涯。總是東風無定。如何只怨飛花。

夢芙蓉

題延熹屋姬人小照

秋江江上樹向芳塘移種最深深處竝蒂連枝雙影照秋水
石家渾漫與仙城元有人主六曲闌干是屢廊香徑非是浣
紗路誰滴湘江清露殺粉調鉛寫出名花譜紅橋流水初
過夜來雨盡屏深幾許想應簾幙無數珍重輕綃有小脣秀
靨當何看題句

清平樂

紅袖添香夜讀書圖

丁丁蓮漏篆縷銷香獸心字漸微蟲蠟瘦催得冬郎詩就

人閒良夜迢迢。勸郎書卷須拋。只有一枝紅燭。休教負了春宵。

暗香

水僊花

娟娟楚楚。正春人小極。芳心初吐。斐兒紙窗。不受人間好風露。除是梅兄。攀弟。還配得。沁人漢女。又那得。如此清寒。明媚又如許。庭宇最深處。有十二畫屏。曲曲低護。舊時記取。到此花開。送人去。花信今年太晚。風又雨。輕寒重作。過了。落燈節候。有人怨不。

初學詩聲未得其門徑。主人命讀頻伽先生詞。

蘅夢詞卷一終

頗得心悟。是日講清平樂三闋。悉依其韻。素璫記。

蘅夢詞卷二

吳江 郭譽 祥伯

卷二

清平樂

題金陵女子柳花詞卷

紅絲小砑。小試齊紈扇。第一休嫌才地軟。人與柳枝同倦。
謝家最擅才華。如何只詠楊花。怪底兒家夫婿。年年漂泊天涯。

浣溪沙

馬湘蘭蘭竹便面

澹墨傾歛落扇頭。紅蘭葉葉竹脩脩。紅粧季布儘風流。今
日誰憐王伯毅。後來尚有顧眉樓。爲伊惆悵寫銀鈎。

南樓令

盧竹圃小影

秋鬢也蕭蕭。秋庭夜寂寥。異鄉秋景最無憀。誰畫可憐人獨
自。又畫出可憐宵。何處作生朝。揚州紅板橋。有當年公子
風標。惜少吹簫人並坐。判我見文魂錯。

蝶戀花

高竹筠小影

黃昏不下葳蕤鎖。簾幙中間沈水微微火。銀烏傍人人傍我。
迢迢良夜銷磨過。聽我狂言君計左。有個人兒切莫攤書
坐。明月漸西花漸妥。鐙殘香爇如何可。

菩薩蠻

窗外秋蟲飛不去。窗前秋色畱將住。庭院是誰家。滿庭洗手

花
露光團作雨。總是秋深處。可惜玉簪開。沒人斜戴來。

滿江紅

晚泊秦郵。默禱露筋祠下。倘乞順風。當以平韻滿
江紅爲壽。如白石生故事。遲明解纜。旗腳已轉。敬
酬一闕。

十度秦郵。曾未展叢澗。瓣香剛又是。水楊柳下。輕船繫將。盡
日靈風。人不見。開門白水本無郎。是誰家燈火。送迎神歌九
章。東方動。驚曙光。篙師起。理檝忙。見相風烏轉。將飛未翔。
去得順風來。順水聰明元是舊。心腸想冷然。一路響珊珊。明
月璫。

清平樂

春陰如霧。又著重簾護。夢到當時。郎別處。隱隱數聲柔艫。

起來滿院斜陽。倚闌一倍悵悵。走撲一雙蝴蝶。知他直甚心腸。

點絳脣

月留女史爲作草蟲扇頭

殺粉調鉛。病中寫出秋來意。一絲風裏。紅蓼花扶起。草草花花。添個蟲蟲媚。天如水。露華珠綴。又澆當風袂。

滿江紅

呈座客用湘湄風雨對牀圖韻

雪白鏗紅。當酒半忽跳而起。不痛飲。有如此酒。有如此水。畱客酒難頻。夜滿分湖水。送離人。幾算人生。不合作同心。同鄉里。浮蠟綠。釭花喜。朋與舊。兄和弟。便沉沉。春醪不能已。已病起。尚存兒女態。醉來稍有英雄氣。得故人滿眼。酒盈尊。吾

狂矣

菩薩蠻

輕陰漠漠昏如霧。入春便有簾纖雨。遮莫試鐙前。雪花飛一天。
疎梅三四點。莫是春猶淺。走近小闌干。問他寒不寒。

邁陂塘

題黃小松秋影庵圖用江玉屏韻

問詞人馬塍遺跡。可餘花木深秀。小紅嫁後青春老。臙有蕭疎秋柳。宮一晦。讓黃九風流。開拓蜂房。歸田若後。怕老去悲秋。重來照影。水面似人皺。武林路。約賃梁鴻。杵臼野航。三兩能受。他時定遂移家。願莫遣白雲封守。都似舊。只鴨腳黃邊。添縛香茅否。來居客右。當集古編成。秋聲賦就。斗酒也須有。

卜算子

寒食出遊

一隻小瓜皮。兩岸垂楊樹。指點停船宛轉橋。曲曲彎彎處。定不畱春住。那不愁春去。過了今年三月三。又幾點清明雨。

醜奴兒令

五三六點微微雨。開了梨花。謝了梅花。纔拓濛濛一面紗。玉堦獨立思閒事。花在鄰家。吹落農家。今日東風較大些。

月華清

詠丁香花

碎翦鮫綃輕含雞舌。鱗英枝綴如霰。百結芳心。慣向春風凌亂。算江南花信。更番誰似此。香生色淺。幽怨共芭蕉卷。處一齊斜颭。可惜雨香雲澹。少月影半窗照。伊清婉。丁字簾前。

有個丁癡。淒斷想春衫。繡上重重。怕寬了舊時腰。褶簾卷又
惺忪。碎影小庭篩滿。

行香子

薄遊袁江。同人爲設伊蒲。供於青龍菴。莽主爲其
女孫名霞者。乞字於余。呼令出見曇花。一見妙香
四聞迦陵。其音舍利。始弗未足。方斯相好也。爰舉
明如爲贈。并貽以詞。

青豆房邊。紅豆庭前。仙子生小嬋娟。問伊名字。合在瑤天。
是花非花。霧非霧。亦非煙。綺樣芳年。佩結飛仙。佛頭青雲
葉披肩。似聞我佛。爲說因緣。要十年心。雙鴉髻。五湖船。

菩薩蠻

水田百衲雲如葉。薄羅翦出重重疊。生小不知愁。眼波先自

秋。雨過雲不定。小語防人聽。燒了夜香麝。昨宵涼露多。

醉太平

憚月仙夫人桃花扇面

深紅一林。淺紅一簪。枝枝淺淺深深。是春風小心。寒漿細
斟。清溪獨吟。憑他如墨春陰。有前時路尋。

十二時

湘湄爲周校書畫桐屋夜寒扇面同賦一詞

秋宵銜火。秋衾魂夢。秋孌庭院。傍人那知得。說秋風團扇。
流水小橋清且淺。比銀河算來還遠。思量一年事。只張星曾

見謂張校書繡

又

同湘湄夜坐

疎窗四面秋霖一陣愁人兩個天涯已腸斷况離情無那
桐葉初肥蕉葉大說淒涼也無人和今宵尚相對怕來宵鏡
火

菩薩蠻

湘湄索詞繡帕爲賦

鶯黃淺色揉蘭膩唾尖絨舌愁滋味破體作游絲墨花如折
枝當年春雨句和淚歸何處但解說歸來杏花春自開

水龍吟

詠霞用張蛻巖賦倩雲詞韻

生來不學行雲依倚似散依然聚分明瞥見赤城初起又還
飛去野鷺孤時澄江靜處天寒日暮望高城不見丹樓漸隱
又何況彩鸞駐說與仙人子道要畱他豈風相護不知天

上者般顏色曾經幾度秀便思餐散還成綺非花非霧怕朝
來一縷出門難覓作廉纖雨

齊天樂

荻莊秋荷

翠匳一境平如拭數枝點綴秋意衣褪輕紅佩翻重碧又是
一番梳洗涼蟾初起怕焰見盈盈玉壺清淚風急雲輕露華
漸重瀉鉛水闌紅舊事誰省有斜陽一舸雲葉雙鬢螢火
光寒蜻蜒翼斷催老鴛鴦身世煙波無際且凍釀頻傾曲闌
峭倚寄語閒漚奈厭厭宿醉

河傳

春早將曉夢魂驚落月殷勤早鴛綠窗曙光愁欲明輕輕枕
函釵一聲一段綠雲扶未起香不已轉側隨郎臂莫投懷

且兜鞵備來斷紅紅上顯

南樓令

題春人縮髻圖

春夢暈湖霞春風褪臂紗緩春愁盤好雙雅溜了金釵伴不
省問開否碧桃花鏡檻者般斜新妝畧似他只脩眉人在
天涯尚著薄羅衫一件簾又卷太寒些

菩薩蠻

一燈紅貼氍毹地請郎蠟鳳中堂戲獨自下堦來玉梅開未
開誰移紅燭照聽見人雙笑直得小迴身影兒如一人

又

新桐院落悄悄地斷無人到陰天氣手切綠沈瓜一重方空
紗藕花開一半紅影搖人面只解遶關行隔簾聞笑聲

惜分釵

有見

雙枝粲。分流響。一江春水如天上。最風流。最嬌柔。貪看鴛鴦。
忘了回頭羞。羞。花恹恹。人模樣。个儂未必全無恙。說前游。
莫關愁。山外青山樓外高樓。休休。

菩薩蠻

金蟾鬪鎖金梯滑。一重門外銀河濶。猶恐未魂銷。夜深聞剪
刀。朝來粧未就。見了伴回首。回首莫嫣然。鏡中雙靨圓。

又

夜深一口紅霞膩。唾尖甜舌殘絨細。不肯繡鴛鴦。枝枝秋海
棠。吳艸裝袖複。卻繡鴛鴦宿。荷葉小於錢。要郎知可憐。

又

清霜微白黃花瓦。全家上冢逢秋社。特地教人知。紗窗鏡上時。
蘭姨智瓊姊。畧識人間事。送與蹙羅裳。一雙金鳳凰。

又

五湖船小才如葉。圓圓竝坐翻歌側。愁水又愁風。袖邊香唾紅。
如何還倚醉。壓著儂希睡。當面且由他。阿嬾顏色和。

又

嫩晴天氣春陽動。鴛鴦喉微澀。歌珠痛蹙損小眉痕。羹湯未入脣。
刀圭分一裏。莫點吳鹽可。只說是梅花。賺伊肯嚙他。

又

鴉兒撼得人人起。枕函一片朝雲墜。慢臉笑投懷。夜來難出來。
迷藏何處捉。人語闌干角。莫道沒人知。被痕紅半池。

又

杜蘭四歲來人世。飛瓊不肯畱名字。略說與排行。雪花蒼苔香。近來海水淺。尚有樓三面。煙雨莫登樓。樓頭無限愁。

生查子

金雁畫橋南。碧玉人家小。種得碧桃花。昨夜先開了。不恨不知愁。只恨無人曉。念得阿郎詩。句句能顛倒。

南鄉子

折枝蕙草

庭院轉光風。不省簾前開幾叢。只向謝娘頭上見。一翦攏鬢。玉釵顏色淺。

梅花引

虎山尋夢圖爲陳竹士作

岫如螺水如羅。曾共鷺鴻照影過。步凌波。步凌波。只問梅花

別來相見麼 此中或有魂來去 茫茫不辨梨雲路 落花多
落花多 一路荒山月明寒奈何

洞仙歌

有紀

華燈弄影照華堂 如水羅襪雙鉤見 纖麗傍中門 低處半曳
霓裳 聽佩響 又轉曲屏風底 星橋元不隔 一寸銀河眼底
千金露深意 便算比肩人 香逼春衣 渾未省 衆中迴避也 忒
倚嬌 慙阿娘 憐想全不周防 个儂年紀

菩薩蠻

雲堦月地春寒淺 迴廊曲徑穿行徧 微雨昨晴時 小桃三兩
枝 東風吹不定 小颺雲鬟影 掩歛越羅裳 禁他特地香

又

嬉春女伴嫌春早。昨晴時候游人少。喜未坼輕絲。晚風一陣
寒。玉梅花下立。點得春衣白。小妹笑人癡。滿身蝴蝶兒。

清平樂

小山窠石。徑窄衣香接。穿過長廊無氣力。坐定雲鬟微側。
重來不走長廊。花間難捉迷藏。驀地一雙蝴蝶。等閒飛上羅
裳。

河傳

香徑人影。驀來前桃葉。桃根竝肩秋波欲流。低髻偏仙。一
雙人可憐。窄地鵝黃裙色淺。尋不見。小立花枝顫。晚來風
忒匆匆。行踪落花埋一重。

百字令

幢幢燈影。是曾經照過。幾番元夜。火樹銀花剛一瞥。已是暗

風飄燭。翦紙心情。鬧蛾身世。過了今生也。人間天上。柳梢蘭
月初掛。難忘中酒時光。燒燈院落。有個人如畫。衣上峭寒
簾外雪。小坐早梅花下。碧海星沈。紅心草宿。說甚淒涼話。春
衫依舊。淚痕重疊。盈把。

點絳脣

酒綠燈紅。座中有个飛瓊許。玆將手語。幾陣梨花雨。長定
相逢。還解相思否。臨當去。橫波一注也。直三年住。

齊天樂

金銀花

亂紅都逐流波卷。庭院翠陰成幄。麝眼籬方。鶯絲藤細。低胃
曉涼池閣。薔薇花落。做夏首。心情春餘題目。裊裊柔條。又牽
香夢到。簾角。朝來風露猶重。有人初睡起。羅袖寒薄。葉底

心知花頭眼見。小摘冷香疎萼。熱嫌魚玉。又滿把蒸成露珠。如粟配點雲龍。竹鑪湯正熟。

賣花聲

題畫扇

小風颭欒梁。皓腕先攘。是誰驚起曉來粧。問取木芙蓉上露。何日成霜。舊夢莫思量。滿鏡眉長。水精簾下有微涼。喚作春人渾不似。莫是秋娘。

乳燕飛

和湘湄作寄伯生

誰賦銷魂句。向天涯吹花嚼蕊。傷風倦雨。我是江南賀梅子。莫問閒愁幾許。空記得別離情緒。人自漂零天不管。但昏昏薄霧。惜絮肯爲我寄愁去。征車同出春明路。有當時風

懷酒膽。未譜別苦。細馬馱來人二八。醉裏憑肩伍語。笑判取
千金贖汝。一別故人難見面。況鶯鶯燕燕知何處。只此意。向
誰訴。

洞仙歌

爲吳珊瑚夫人題扇

繡襦甲帳有當年珍偶。跨虎重來事依舊。向櫻桃湖上寫韻
軒開平視慣也。爲洛神伍首。人間與天上何限佳人脩竹
蕭蕭倚寒袖。福慧此應無螢火。詩成定小試畫羅纖手。問何
不當初畫乘鸞想霧鬢風鬟見時還又。夫人詠螢云月黑移
來星一點風高扶上

閣三層

高陽臺

鈴索判花。遊絲罥絮。送春淚滿輕綃。不見春歸。流波一夜迢

迢明珠十斛何人手。向章臺折取柔條。可憐宵蠟照紅嗔。明鏡紅潮。傳來語最魂銷。自說天桃命短。怕落花鞦韆重。囀春鷓。知他何處樓高。三生杜牧。關何事。爲曾經掌拓纖腰。好無聊。四月時光。雨又瀟瀟。

賣花聲

秋水淡盈盈。秋雨初晴。月華洗出太分明。照見舊時人立處。曲曲圍屏。風露浩無聲。衣薄涼生。與誰人說此時情。簾幙幾重窗幾扇。說也零星。

菩薩蠻

北固題壁

青天欲放江流去。青山欲截江流住。儂也替江愁。山山不斷頭。片帆如鳥落。江住儂船泊。畢竟笑山孤。能留儂住無。

唐多令

題畫仕女

深院玉梅天。春風錦瑟年。似驚鴻、畱影翩然。手擘薛濤牋。一幅怕遺墨澹如烟。一枕小遊仙。三生小比肩。有揚州舊夢誰圓。問是夢中曾見麼。笑已是十年前。

疎影

題素娟錄事畫扇

春愁滿紙看微雲。澹月夜寒如水。記得前宵葉葉輕衫同在。曲闌干。屋素娥要鬥嬋娟。影笑一樹海棠濃睡。得知他畫作乘鸞。直恁冷清清地。料想閒宵弄筆。怕粉紅駭綠。無此幽致。朱鳥窗前。殺粉調鉛。自滴方諸清淚。懷中一墮三生夢。又碧海青天無際。能禁他幾徧團圓。老卻畫中人矣。

漁父詞

有紀

四角紅羅窄地垂。銀鈎不動篆烟微。燈澹澹。月絲絲。笑問郎
來是幾時。

好事近

題何夢華西湖買春卷

何處好尋春。春在段家橋側。試看門前流水，有桃花顏色。
鏡中照出四圍山眉黛。一時碧笑指槩牙相趁。盡鴛鴦灘鷓

、百字令

書戴竹友綠花詞後

雁飛汾水。只人間李嶠是真才子。解作江南腸斷句。一卷烏
絲闌紙。野艸花開。池蓮粉墜。宛轉能含思。集中野花白從君
蓮二詞尤工

黃酒旗亭應有人記。最難俊侶如雲。風懷如月。更華年如綺。同學少年皆匿笑。春水干卿何事。鬲指聲微。么弦調苦。作者今無幾。他時按曲。花間更喚延已。謂馮生玉如

女冠子

贈雙脩菴女尼韻香一號清微

清宵更永。微月度雲無影。蹋蒼苔。試問三生事。誰脩雙笑來。房深香似霧。人澹韻如梅。記取闌干外。玉簪開。

蘅夢詞卷二終

浮眉樓詞

吳江 郭譽 祥伯

卷一

天香

花露

炊玉成煙揉春作水落紅滿地如掃百末香濃三霄夜冷無
數花魂招到仙人掌上逆鉛水銅槃多少空惹蠶王惆悵未
輸蜜脾風調謝娘理粧趁曉面初勻粉光融了試手擘牋
重點薔薇尤好卻笑文園病渴似飲露秋蟬便能飽待鬪新
茶聽湯未老

附前調

尤維熊 二娛

候火安爐量沙布甌蒸成芳液盈匕涼沁荷簫冷淘槐葉

翰與山僧佳製餅。罌分餉。傾一滴。便消殘。醉卻笑辛勤。蜂
環祇供蜜。殊畱嗜。試調井華新。水面纔勻埽。眉還未慣
共粉。匳脂盃上。伊纖指向晚粧臺。一餉又融入犀梳。攏雙
髻。夢醒餘香綠。鬟猶膩。

齊天樂

塔鈴

四禪天上天風小。偶然吹墮仙響。窣堵波高。金銀鐺動。雨歇
寶繩微漾。雲思霞想。在謾謾松閒。星星鐘上。驚起栖禽。飛來
還向相輪傍。三更歌管都罷。只郎當九子。似話惆悵。步履
廊空。吹簫客去。自發人天高唱。舊遊無恙。認放鶴庭陰。護花
窗網。小立斜陽。隔牆聞梵放。

前調

尤維熊

人天籟寂煙霄暝千花法輪常轉九子齊鳴一鈴獨語錯
落聲如珠貫石壇花院有一陣松飈高低吹亂除是澄公
秀支劬悉認能辨空廊有客孤寄向鐙昏獨聽似近還
遠月下櫂牙雨邊驛路無此惺忪悽婉鰓魚茶板只面壁
僧枯闍根先斷一任山椒天風搖夜半

摸魚兒

盪湖船

一篷兒花天酒地消磨風月如許吳娃生長吳船上只共鴛
央爲侶船六柱從不識愁風愁水天涯路輕橈容與問兩寺
東西半塘前後商略泊何處江南好不在中流簫鼓牽人
好夢無數十年水驛風鐙夜負了畫船聽雨臨別語怕紙醉
金迷忘卻秋孃渡重來記取有澹澹窗紗疏疏簾影隱隱數

聲賦

前調

尤維熊

正江南蕙絲風軟波光七里吹皺移來花月青簾乍滿載
玉缸春酒蘇華數將蠹殼窺兒徧換明珠繡停橈渡口認
斟酌橋頭紅闌低映幾樹水楊柳 恰相對一點遙青橫
艸柁樓人更明秀蜀薑細搗吳鹽灑更倩調冰雪滿勞纖
手看送了舫船暗拓爨尖瘦明鐙炮後纔緩櫂歸來高城
一角斜月下蓮漏

水龍吟

吳歌

摩訶池上歌殘一聲何處悠揚起將連忽斷似無還有月明
風細月子彎彎花開緩緩一般情思算蓬家不是漁家不是

問莫是劉三妹 子夜四時堪擬變新聲我儂歡喜扁舟夜
泊人家兩岸聽風聽水白葛單衣蒲葵小扇新涼天氣又前
溪柔艣嘔啞說是釣船歸矣

前調

尤維熊

五湖天水空濛一枝柔櫓衝煙破聲聲斷續三高祠下垂
虹亭左棹入前溪三三兩兩菱歌相和正員沙清淺鳧飛
拍拍笑脫下紅蓑裏 最是曉風殘月廣微茫一星漁火
遙聞斷港纔從浦轉又穿橋過水國陰晴江鄉兒女儘伊
煩瑣怕驚他孤客篷窗夢醒又還重作去聲

桂枝香

蕉扇

誰裁花骨怕新裂齊紈無此圓潔想見黃昏雨足綠天雲割

憐他不入人懷裏卻生成也無員闕紫蕉衫底白荷花下晚
風不辣 話昔日山塘土物同苧席湘筠一樣清絕七寶修
成不是舊時明月舊時舊事何人記有冷螢空堦明滅最難
忘處羅帷雙笑一鐙初殺山塘賣扇以選葉爲工近皆以金繡失當時之意矣

前調

尤維熊

裁雲滿把憶小院綠天密雨初灑誰仿謝家新製市頭論
價紅麝一抹剛遮映握春蕙晚粧纔卸庭軒露坐乍停還
拂流螢將下 記女伴穿鍼閒話有花骨歛斜密字偷寫
便肯從人方便也休輕借六月不借扇吳中諺也輕容不放秋蚊入
向舊疇深處低挂桃笙如水暫教閒卻嫩涼今夜

右武邱樂府五首結夏僧房端居無但輒仿南宋人樂
府補題之製譜山中風物希同調者繼聲焉二娛尤君

首先見和其詞尤工用同著于篇小吳軒行館書

臺城路

同嚴丈歷亭游舒氏園作

薄陰不散霜飛早。園林深貯秋意。水木清蒼。陂陀高下。澹與暮雲無際。紅泥亭子。占一角孤城。七分煙水。最愛疏疏竹竿。萬个滴寒翠。年來俊侶都散。便登山臨水。只恁顛顛。倦柳攀條。清流照鬢。暗老悲秋身世。荒寒如此。又畫角聲中。夕陽垂地。樹樹西風。暮雅寒不起。

翠樓吟

山行幽絕臨水數家門外木芙蓉正花爛漫無次殊愜幽情紀以此詞

濕翠霑衣暗苔粘屐幽尋最愛清曉峯回剛路轉恰對面數

峰清峭似儂。曾到只三兩人家。看來都好。柴門小芙蓉無數。一
些紅了。誰料隨意閒行。有芳塘花舫。徐熙畫稿。水邊同
照影。定見我風前側帽也。應含笑。怕青鳥丁寧。玉容易老。尋
芳早向人山色。一眉新掃。

望湘人

用穀人先生韻

漸蕭蕭瑟瑟。冷冷清清。客裏如許。淒戀衰柳翻鴉。枯荷鬧雨。
子夜怨歌先變。鏡裏霜寒。燈前人瘦。眉邊山遠。儘哀弦一曲
思歸。飛起十三箏雁。數盡更更點點。把孤衾斷夢。一宵尋
徧。只文鴛繡枕。記得舊時曾薦。酒痕濃澹。淚痕重疊。濕了小
蠻鍼綫。問何日。纖手親攜。笑勸芳尊。須滿。

柳色黃

扇月投懷衣香分袂箇儂道是無愁采蓮歸去伴醉臥篔簹
攜取屏山六六繩河外殘雨初收良期近一天風露無睡待
牽牛句畱能幾日有門前流水催上蘭舟漸蘭舟不見野
水空流欲寄銀鈎小字趁征鴻飛過樓頭沈吟徧又愁別後
不上小紅樓

天香

粉

擣麝成塵調鉛作雪秦樓一轉初試露下芙蓉雨餘篔簹竹滿
鏡六朝春思仙人掌上先染了葱根纖指繡領乍溼餘香金
盆緩傾殘水侵晨宿粧紅膩拂湖絲掃眉還未殘夢關心
蝴蝶欲乾雙翅不信比來下淚問玉頰成痕爲何事索寫丹
青牘來有幾

摸魚兒

茨菇

買陂塘雨邊添種。高荷大半相似。生成葉葉雙歧樣。合傍谿
流燕尾。江上水記送別西灣。話到年時。事故人歸未。正軟柄
敲風。低枝鬧雨。一碧亂無次。江鄉好。隨意蒹絲菰米。食單
多在水際。雞頭菱角堆槃後。草草田園風味。渾不記。合付與
廚鑊。略下些鹽豉。旗亭小市。共山栗燔餘。村醪熟後。閒買夜
來醉。

水龍吟

蘋花

菱歌唱斷前溪。青山影裏秋江老。晚風乍起。涼煙不散。數花
開早。去鳥明邊。閒鷗眠處。采香人少。便翠禽一點。愁他難立。

除非是蜻蜓小。有客谿頭垂釣。又句留一年過了。楊花身世。蕭花伴侶。嫩寒清曉。隨意停舟。偶然照眼。添枝紅蓼。向水仙祠下。登蘋。擽藻共寒泉。筆。

齊天樂

果羸

蟲蟲生就腰支細。孤懸長自幽怨。小尾雄蠶。畫衣穉蠹。未許尋常相見。案頭筠管。想小寄全家。一九泥滿。暖日窗櫺。蛛絲捎徧。畫檐短。餅笙相和。淒切聽哀音。微細似續還斷。負坂身勞。顛當門守也。結蟲天仙眷。休言善幻。笑人世兒曹。骨凡難換。戢戢螽斯。一宵如雨點。

桂枝香

黃蜺

春潮長處正隔浦聲喧。檝頭船聚似甬春泥不用筇簪漁具。
從來論斗平量慣。敏舡呼鹿錢拋與。有時亥日漁娃白足筠
籃提取。俊味江鄉堪數。比青鯽白蝦羹湯同煮。合口椒辛
薄醉想伊風趣。兒童不識螺名扁笑。且食蛤蜊知許。湯溫甲
卸配他早韭。翦來新雨。

滿江紅

九日同鐵門登鳳皇山頂尋女教場望江用倦圃
竹垞錢唐觀潮韻

四面青山放江水適當其闕。流不盡南朝遺恨。中原如髮更
殺一圍傾國笑。誰橫萬弩迎潮發。只茱萸醉裏詫漂零。人吳
越。花欲笑。簪邊雪。雲欲擁。巖前月。巖名問男兒何用。置身高
絕。百感茫茫隨處有。大江滾滾何時歇。恨觀濤僕病未能來。

中秋節

蓮蓮坡塘

題胡雒君廬山識面圖

插清江成峰成嶺。湖山如此明秀。何人小坐槃陀上。高挹匡
君衣裏。開笑口。道蓮社羣賢待爾相尋久。扁舟落手。問何不
乘風。開帆捩柁。數徧翠屏九。平生事。布韉青鞵。都有游踪
尚欠江右。五峯一一雲中間。與老人期何後。牛馬走。恐待我
歸來頭白成衰醜。觀河面皺。想意外奇逢。圖中人到。相識定
如舊。

金縷曲

閩僮黃姓汀產也。湘湄名之曰汀鷗。爰紀以詞。

欲問伊鄉里。有詞人小名錄就。當筵須記。萬里家山誰馴得。

漂泊黃童年紀。夢不到汀洲。蘅芷道我主盟三十六。肯相從
浩蕩江湖底。儻約在烟波裏。可能便逐漁兄弟。買波塘綠
蓑青笠。船頭沙觜。配箇樵青都不惡。婉婉阜羅鴉髻。應不羨
風標公子。莫度荔枝香一曲。怕回腸容易鄉思起。謂不信如
春水。

酷相思

苦雨

屋角鶉鴣催不去。和簾外流鴛語。問裏湖外湖。曾到否。朝來
也瀟瀟。雨晚來也瀟瀟。雨溼了清明寒食路。把杏花期誤。
只孤負。討春人。此度春去也。畱難住。人去也。畱難住。

菩薩蠻

何夢華半塘春泛圖

青絲纜細蘭橈艤濛濛人立垂楊裏三十六鴛央一堤春水
香半塘春好處總是藏鴉樹樹下記兒家出牆姊妹花

太常引

夢華以葉小鸞疏香閣眉子研銘拓本見示屬爲
賦之

掃眉人倚裏羅寒月子對彎彎笙雀去瑤天算只有蟾蜍淚
潛琉璃匣啟櫻桃雨潤長定試麋丸小字讀迴環又想見
當時遠山

臺城路

梅華帳額

珊瑚海底枝枝軟玲瓏翦碎寒月羅帳如煙銀鈎不動小積
半牀香雪移鐙挂壁怕骨冷魂清玉龍吹徹漠漠黎雲江南

路向此中覓。年來何遜蕉萃。記東閣詩篇。西磧遊屐。鬢點
吳霜。夢殘舊雨。髣髴屋梁顏色。翠禽低說。正人倚高樓。裏羅
寒絕。待訴相思。玉參橫。永夕。

疏影

花影吹笙圖

空庭潑水。正玲瓏澹月。簾影垂地。悵望銀河。閒弄參差。箇儂
知是誰思。橫枝清瘦。疏花活。漸篩滿薄羅衫子。只枝頭翠羽
雙栖。闕見那時情事。難忘黃昏院落。畫闌十二。曲曲曲同
倚。半攏春纖。半度脂香。炙暖一行銀字。年來白石風情。減有
自作新詞。誰記。但每逢花月嬋娟。便想畫中雙髻。

百字令

阮雲臺閣學重葺曝書亭命工摹竹垞圖自和竹

坨元詞二闕余亦繼聲

鴛央湖上記。權歌來往扁舟。曾泊載酒江湖。人在眼。渺渺微
波難託。八萬卷書。兩三竿竹。閒想歸田樂。百年如夢。暮雲幾
葉零落。當日雨裏芭蕉。水中菡萏。位置煩斟酌。舊觀頓還
圖畫好。依約黃簾綠幕。詞客有靈。先生應笑。此子宜邱壑。他
時重到。炙笙須喚。菱角。

摸魚子

題李武曾徵君藝蘭圖用竹坨集中灌園圖韻

問先生灌園老矣。尚餘幾稜青畝。平生述作。騷苗裔。小寄外
孫齋。白歸隱後。渾不記上林花木。春明柳。遂初賦就。想堂北
春濃。咳南人健。一笑且開口。堂前樹。秋錦勝如錦。畫西風
幾度搔首。天涯芳草。行吟徧。荃蕙化茅。都有交耐久。算只有

南隣朱老長攜手。別無恙否。約雜佩。初秋寒泉薦菊。來訪橘中叟。

國香慢

媚蘭小影爲夢華題

眞色生香。有小名試錄雅稱孤芳。幽居自憐空谷未嫁王昌。

定記宮牆畱字聽鐘聲。催月斜廊。用明宮女媚蘭仙子詩無言但凝睇。

一寸愁心多少思量。彩雲天遠處想明眸秀鬢霧閣雲窗。

玉梅花下誰念蕉萃何郎。尚有三生舊約怕錦瑟。今似人長。

還應只如此楚楚眉痕澹澹明粧。

紅娘子

古祕戲錢

金鑄鴛央牒土蝕相思骨。姹女風流沈郎輕薄。秦宮偷活看

雙飛蝴蝶正團圓。任漫天榆莢。覆雨翻雲狹地。久天長恰。
蠟視橫陳神傳阿堵。夢殘金穴笑人間。駭女與癡兒買春風。
時節

金縷曲

題雲臺閣學修書圖

上苑春如綺。護重重琅嬛祕笈。花光雲氣東馬才名終買歲。
朝罷橫陳圖史。早位置筆牀研几。天上愚階仙儘有。讓宮中
元九呼才子。紉萬卷。倩雙髻。使星重指錢江水。看紛紛珠
墳笙典。赤文綠字。椽燭兩行官吏散。學士又修書矣。問福慧
如公能幾。應念書生寒骨相。短鐙檠昏對牛毛細。旁匿笑玉
川婢。

清平樂

題張漾卿花陰填詞圖

花陰漸轉衣上春痕淺圓月一規人半面好箇深深庭院
玉簫金管都宜偷聲減字休避知否露寒風峭紅兒小立多
時

洞仙歌

題蕊宮花史圖圖十有二人

碧城深處有闌干幾曲幾疊屏風護羣玉正巫雲滿峽霄露
承繁三面海看浴鴛央卅六一年春好處風信番番雨兩
仙人小名錄隔座辨釵光下九初三算佳約閨年須續試屈
指花朝是幾時怕歲歲月員時時花落

摸魚兒

送漾卿入都

甚。恩。息。驪。歌。催。發。江。天。雲。物。淒。緊。西。湖。鴉。舅。初。黃。候。做。出。別。
離。風。景。江。上。艇。早。載。著。曉。風。殘。月。和。愁。等。哀。鴻。成。陣。向。越。角。
吳。根。燕。南。趙。北。相。對。一。繩。整。長。安。道。十。丈。紅。塵。埋。鞍。五。侯。
八。貴。朝。請。書。生。馬。狗。衣。鶉。結。料。爾。爲。郎。無。分。堪。一。哂。道。我。已。
無。家。隨。處。漂。零。肯。酒。徒。歸。盡。問。壚。畔。燕。姬。車。前。騶。卒。何。處。醉。
眠。穩。

文

淥卿自都門歸復遊山左作此贈行并寄黃小松
司馬陳彛生上舍

有。征。鴻。南。來。北。去。道。逢。旅。雁。相。語。差。池。短。翼。三。千。里。爲。是。栖。
栖。何。苦。嘗。險。阻。又。破。帽。殘。衫。重。蹋。西。陵。路。搖。雲。散。雨。總。難。忘。
當。時。西。園。賓。客。梧。竹。對。衡。宇。人。生。事。銷。魂。最。是。羈。旅。今。人。

管鮑如土。一錢不直。張三影。怨曲旗亭空度。休見奴。道老矣。
蛾眉金綫無心作。去事何知許。且問訊陳三。寄聲黃九。慷慨
爲君舞。

又

寄淦卿

聽烏烏。城頭畫角。馬頭風色催暮。重來人已漂零慣。衫上淚
痕難數。來又去。恰子野兔。纔都在吳城住。酒邊傳語。道有箇
吳儂。夜闌沈醉。羅帕喚題句。青樓夢。三生杜牧。還作去而
今絲鬢千縷。雛鴛乳燕曾相識。想在綠陰深處。風吹雨。問秋
色。離華可似江南否。羈懷最苦。但卻扇風情。題襟心事。都付
倦飛羽。

水龍吟

湖心亭夜泛追憶舊游俯仰身世渺渺兮余懷也
月痕都化涼燿雙堤沈在涼燿裏蕩華露溼菰根風戰瓜皮
船艤一寸秋心三分是月七分是永看湖心點點山山不斷
渾只露依微髻忽憶去年此日伴故人攸舡同醉笑橫長
笛倚歌小海有魚龍氣游倦成悲離多易老居然千里但回
舡夜半圓沙拍拍喚眠鷗起

又

八日寄故園諸子

草堂人日梅花可憐又向天涯度華前思發雁邊書遠道衡
空賦風馳鐙初雪消寒未春愁如許算一般客裏阻風中酒
還不及西湖住料得故人傳語欲題詩故鄉何處也應難
忘盟鷗池館黏雞窗戶子夜歌休辛粲春老丁年人去但柳

條弄色年年仍作舊時眉嫵

齊天樂

童佛菴有素冊爲蝨魚所蝕其鑿空處皆肖蝶形
始天巧也詞以寫之

近來不食人閒字滿腔都是春慙青簡生涯白蟬身世幻作
漆園夢影羽陵困損算不似花閒栖香差穩莫羨神仙蛻餘
且就此中隱有人曝來永晝比夾雪新籤白描副本栩栩
遶遶魚魚雅雅兩翅尚黏殘粉滕王休嘔是癡絕書生香奩
吟吻展向春風半窗芸葉冷

菩薩蠻

金釵釵粟紅如許爲誰擁髻淒無語一夜雨潏潏春風樓上
寒玉鞭斜墮馬知在垂楊下低語祝梅花上元須到家

又

暮雲重疊山如織。一痕淺黛依微碧。此際有人愁。夕陽山外樓。春鐙初試了。寒到春衣峭。莫是不歸來。玉梅開未開。

又

月痕移到梅花澹。畫樓人立春寒淺。殘雪未消時。一枝還一枝。銀屏雙灑鵲。香篆和烟碧。相見便嫣然。問郎恣意憐。

又

東風皺得春痕重。香羅深護梨雲夢。道是太淒迷。隔簾殘雪飛。蕭郎歸又晚。春勝如花淺。何事有閒愁。玉簫吹兩頭。

又

吳儂何必吳中住。五湖便是三生路。船小慣藏春。千絲網越人。三年畱一笑。底事催歸早。一路遠山多。畫眉人柰何。

邁陂塘

自題山陰歸櫂圖

問年年阻風中酒。江湖人竟歸未。居然一櫂衝風雪。粧點蕭蕭行李。圖畫裏。有萬壑千巖送箇人雙鬢。剡谿休擬。且霜破黃柑。鐙挑紅粟。晚飯柁樓底。移家好。莫認鴟夸西子。鏡湖他日須賜。千絲細網。三生石。兩漿劃開春水。歸去矣。算泛宅浮家儘可稱鄉里。櫂歌聲起。試擁檝。煩卿扣舷和汝。此曲定能記。

又

數人先生題淶卿露華詞末有見及之語依韻奉
詞并寄都下諸故人

算年來此中日久。淚痕被面如洗。鴛鴦燕燕張公子。空皺一

池春水。誰得髓。便白石玉田都付旗亭裏。酒闌人起。想紅燭
筵前。烏絲闌底。儘做別離味。知音少。前輩愛才會幾。當時
沈范堪憫。春風傳唱揚州路。齊卷珠簾十里。我倦矣。似漂轉
飛花未許。游絲繫舊遊。應記但寄語燕臺。酒人相見。有口且
深閉。

河傳

題夢華緬雲圖

小字須記。喚爲雲暮暮。朝朝見君送君南浦。愁復深。千金訓
他一笑心。阻風中。酒年年過。誰伴我。且賦風懷左。謝芳姿
網于絲。他時蠶雄粉。蝶雌夢華屬意
一婢故及

探春慢

淶卿自山左來。杭合并西湖。未及十日。卽爲東阿。

之行酒邊索贈書以爲別

慢水搖堤飛花撲帽相逢又是春半俊侶疎時鈿車歸後小
結嬉春閒伴誰記重來客算只有垂楊青眼問伊昔日風流
鬢絲何事零亂 卻笑一年一度渾不似定巢王謝雙燕寒
食光陰天涯情味消得幾回相見還共西湖約怕尚有輕風
吹轉莫滯游踪高樓人正凝盼

洞仙歌

寄素君

綺窗臨水挂一重簾子簾外垂楊畫船繫道春風正好催放
輕橈全不管先把箇儂催起 嘔啞聲未遠轉箇灣頭眼底
居然便千里不見一重簾簾外垂楊又何況隔簾雙鬢算臨
別無言忒忽忽有曲曲谿流是伊清淚

又

小桃落盡。又春寒側側。過了今年小寒食。便鴛鴦怨雨。蛛網
粘花歸去也。春已三分之一。昨宵淺夢裏。夢也無憑。夢裏
人人更無力。軟語在憑肩。低髻愁眉。是燈下舊時顏色。只忘
卻歸期約。何時猶自說高樓杏華消息。

邁陂塘

蘭泉先生招集瑪瑙寺看牡丹分韻得更字述以

此詞

又悄悄滿湖香絮。一年春已將盡。東風收拾閒紅紫。并作者
番芳信。風乍定。有臥穩狸奴自午花陰正。鉤簾試問。問花底
年年看花伴侶。得似此時俊。佳招踐。連日陰晴難準。能來
須是乘興。沈香應詔闕何事。薄醉被人呼醒。文字飲。看白髮

嬉春一老紅闌憑。擘牋賦韻。儘雀舫移頻。鈿車歸了。後約試
詩更。

又

方臺山屬題冰壺夫人桃源春泛圖

看浮槎坐來天上。一篙春水初暖。川原遠近都如綺。十里明
霞新翦。紅一段。向鏡裏盈盈同照春風面。阿誰曾見。算只有
紅襟掠波雙燕。隔水定偷眼。仙源好。已熟胡麻仙飯。休歌
水遠人遠。當年便笑天台侶。不解人間何戀。歸緩緩。愛輕浪
魚鱗容與中流半。流年暗換。但黃竹箱開。縷金衣試。紅雨尚
應滿。

水龍吟

語見道中萬綠如水澹日微陰時漏疏雨扁舟搖

元其間爲賦此調

是時還是微陰濛濛好箇江南路桑陰兩岸竹梯橫閣最深
深處去鳥孤明連山積翠夕陽界住正扁舟有客微吟淺醉
譜腸斷方回句 又是一年羈旅一年春又隨人去換他幾
點漚邊鷺外疏疏殘雨圓鏡冰寒生綃紅潤也應淒楚待歸
時細問香銷夢斷定思量否

清平樂

春湖吟社扇面爲夢華作

兩湖如鏡雙照桃鬟影花外夕陽紅不定又是畫舫歸近
去年煙雨溟濛今年花月惺忪斷送一生顛顛只消便面春
風

國香慢

袁壽培屬賦紅蕙

乍轉光風自三閭去後九畹滋同孤芳肯隨荃化忽訝春容
莫是獨醒良苦倦行吟薄酒微中幽裏與誰語寫入朱弦怨
曲纔終 湘江江上水便覺來淚滴勻染難工荷衣顚顚未
應綬帶垂紅回首金閨樓外記薛家小妹初逢香魂便能返
澹粉輕脂終恨惺忪

浮眉樓詞卷一終

浮眉樓詞

吳江 郭麐 祥伯

卷二

疏影

舒衫受落花圖

春陰似墨。正輕衫乍試。何處橫笛。應是高樓不管清愁便訴。
江南消息。玉人未醒。梨雲夢。想獨步冰苔猶溼。恁禁他翠裏
天寒無數。落英如積。苦憶西園清夜。酒邊出素手。曾共攀
摘。漸老何郎。便約重來。不是舊時月色。東風衣袂。憑誰問。怕
只有淚痕。畱得判。一生消受春愁。點點唾花凝碧。

水龍吟

厭勝鏡徑二寸有奇背列祕戲者四女裝絕似武

梁祠像六朝物也

分明一片新荷團圓照見鴛鴦央睡秦時明月漢宮春色唐家
遺事影裏鸞孤盤時龍寡物猶如此笑何妨注就蟲蟲燕燕
添四角中央字長定循環纖指暈紅潮背人偷視宿粧慵
整長眉未畫慳慳情思三閣綺羅六朝金粉而今何似看土
花淺碧爛熳多分是銅仙淚

紅情

題二娛鷗夢圓圖用玉田韻

生香活色有水天閒話憑肩語密除卻鴛鴦只有眠鷗似相
識三十六陂舊夢明鏡裏低徊潛憶問微步一餉凌波羅韞
可曾溼小立鬢鬟側想明月那時流水今日春風靈液澹
盪其間浪痕碧自恨采香太晚重到也紅衣非昔又況畫船

艤處船中玉笛

沁園春

二娛爲余題蝨虻卷子比物象形裁雲縫月後有
作者未能或之先矣酒酣以往逸氣全涌聞爲變
調以攄鬱塞之懷并示二娛

鑽紙蠅癡伏案螢乾男兒可憐笑吾其魚矣人言善幻遽然
虻也或美成仙五蠹書成一生花淨游戲其閒然不然君休
問看此中有鬼蟲亦能天爲君試質前賢更有箇吾家博
物傳是蒙莊濶達未離文字謝郎輕薄多爲詩篇磊落景純
蟲魚詮釋鳳子春駒有闕焉亡應補任叢殘科斗零落蝸涎
齊天樂

北山旅館圖用穀人先生韻爲華秋樵司馬作

十年載酒江湖徧。不歸如此湖水。小艇鳴榔。低檐結網。穩住
一家深翠。畫圖寫意。問選箇江鄉。西湖有幾。鴨腳黃邊。幾人
同此夕陽醉。當歸故鄉應寄笑。薛宣東閣。真欲相吏。遂裏
伊涼。胸中雲夢。暗老英雄身世。壯心不已。道種菜閉門。漸諳
斯味。何況鱸鄉。秋風斜日裏。

洞仙歌

書素琴校書扇

當年桃葉向渡頭。曾見問姓。分明掌中燕。把舊時衣袂。與說
相思。東風裏。可記淚痕曾染。厭厭三爵後。素女琴心。忽發
狂言。有誰管。教寫折枝梅翠羽。啾啾定闕。見玉人清怨。肯等
到闌干。月明時。便幾箇黃昏也都情願。

又

題錢叔美爲疏香女子畫梅用袁蘭村韻

東風著力恰雪痕微逗略解春情便應瘦似那回曾見隔箇
窗紗修竹裏翠袖暮寒時候江南二三月豔紫妖紅兒女
十平枝五枝繡誰得比孤清一斛珠疊除聘取海棠消受儂
待到昏黃月微明倩玉笛橫吹看珠簾秀

風蝶令

秋影樓圖

雁齒紅橋近烏衣曲巷斜水天閒話記些些六扇冰紋榻子
慣藏他春燕雙栖地秋風八月槎重來那不感年華猶傍
水楊柳樹問伊家

百字令

題蘭村南園春夢圖

東風何苦只送將春到難留春住落絮游絲無氣力還自飛
來飛去白水橋梁紅泥亭榭人說南園路畫圖省識看來已
是前度莫倚錦瑟筵前楚腰掌上年少能才語記得些些
惆悵事便費蠻牋無數玉局彈碁銅槃遞淚此夢儂曾作去
去年今日桃華亂落如雨

喝火令

莫愁小像爲汪紫珊姬人綠玉作

文杏裁梁柱流黃織畫紗春風畱住六朝花願作紅襟雙燕
飛去入伊家有箇人如玉看來略似他重幃初卷繡裙斜
只少耳邊朱暈一些些只少阿侯膝上小語學嘔啞

高陽臺

隨園席上贈別疏香

暗水通潮。癡嵐閣雨。微陰不散重城。留得枯荷，奈他先作離聲。清歌欲過行雲住。露春纖、竝坐調箏。其多情、第一難忘，席上輕輕。天涯我是漂零慣。恁飛花無定，相送人行。見說蘭舟明朝也。泊長亭。門前記取垂楊樹。只藏他、三兩秋鶯。一程程、愁水愁風，不要人聽。

買陂塘

信宿隨園，頗極文燕之樂。將歸之夕，蘭村以秋夢樓圖索題，黯然賦此。

小紅樓居然百尺。文窗了鳥深閉。豈知中有悲秋客。夢與碧雲無際。湖海氣。只打疊柔情不斷如春水。偷聲減字。問白石玉田金荃蘭畹。多少可憐子。浮名好。低唱淺斟何似。爲誰此景輕棄。六朝山色雙眉嫵。換了青衫從事。我醉矣。想葛屨

西華那有桃花米。能謀酒未。怕江上荻聲。堦前蛩語。漸漸有

秋意。

時蘭村將入都謁選

祝英臺近

題梅卿女史倚竹圖

玉釵長。金釧瘦。濃綠翦雙袖。刻徧琅玕。又是一詩就。問他翠羽三更。獲龍半夜。可窺見繡幃冰透。算佳偶。鳳觜天外尋難得。似舊人否。磨鏡劉楨。平視也低首。同君一樣西家。牽蘿補屋。定念我暮寒時候。

柳梢青

贈琵琶伎

直得魂銷鬢簪寒。玉袖卷輕綃。半面猶遮。四弦入破涼月初高。天涯淪落。相遭酒醒處。天風海濤。翠被秋深。烏篷露冷。

一樣今宵

長相思

荻花殘蓼花殷一樣秋風有兩般紅紅白白看
笛聲乾角聲酸行盡江南無數山征衣漸漸寒

好事近

效朱希真體

瓜步晚潮生一峭布帆百里酒醒鐘聲何處出金山寺裏
金山對面是焦山睡著兩鬢髻只有半鉤殘月照船中遂起

又

歸舟同竹士作

何處是儂家歷歷青山無數青到一重樓上對箇儂眉嫵
朝朝江上望歸船江住見山住指點片帆飛過在青山斷處

闌干萬里心

自題浮眉樓圖

濛濛絲柳不藏秋。隱隱疎簾半上鉤。見說年年愛遠游。一重樓。兩點眉山相對愁。

高陽臺

錄別

玉局中心金釭照眼。悲秋人又長征。擁髻淒然背鏡。直是愁生。三杯兩斝將離酒。怎禁他和淚同傾。太淒清。蛩語聲聲。雁語聲聲。銅籤屈指無多路。說當時歸櫂。一半曾經。後夜明朝。爲儂細算郵程。鴛央湖上條條柳。望前頭有座旗亭。肯消停風也。須行雨也。須行。

貂裘換酒

十月一日借鐵門倪米樓同游冷泉亭至白衲龕
下山經蕭九釀酒壚泥飲而歸屬湘湄作寒壚買
醉卷子紀以此詞湘湄曾與余雪夜同宿酒樓持
火入山題詩石壁上此圖亦不可無詞也

雅舅紅如此。正千山萬山夕照。不知幾里。忽見青旗高樓外。
其上有翩翩字。有隨分橙黃筍紫。我是酒徒元無賴。索銀餅
莫笑麤豪氣。鵝霜解。可容賞。四山積雪危闌倚。語當時風
懷酒膽。故人老矣。不向冷泉亭下。辭。負此松風兩耳。況落葉
紛紛而至。寫作畫圖傳也。得要壚頭貌。个雙丫髻。渠能記。十
年事。

附前調

袁棠 湘湄

詎畫荒寒景。但蒼蒼暮雲一片亂峯齊。暝幾陣。鵝鴉催風

色又作去江干霜信況遊子衣單誰省淒緊客裏無着處
只山樓一角斜陽賸紅樹外酒旗影題名重向壚頭認
算青衫十年著破轉蓬無定莫更當杯歌忼慨擁髻清愁
未醒定說到漳濱人病舊雨不來前塵在也依稀隣笛山
陽聽題此卷誌我幸

又

朱春生鐵門

如此秋光好看西湖亂山深處楓林紅了十里沿谿彎環
路不借一雙能到且莫管亂雅殘照記取年時沈醉處揭
青帘便索銀瓶倒煨落葉暖清醪舊愁新恨知多少似
今番清游有幾暗傷懷抱自喫天台胡麻飯乞食何曾一
飽悔不作酒家傭保一樣漂零風絮影看當壚人也朱顏
老休怪我鬢霜早

疏影

帆影和米樓韻

爲誰送到。恁斜斜整整。驀地來悄。暮雨初收。疊鼓猶催。殷勤澹月。畱照支筇愛喚。秋江渡。問波底去來多少。只兩邊純浸。遙山一霎。半湖遮了。記得離筵江上。舉柁尚未。勸聽說風好。猶自憑闌不覺回頭。已亂一行飛鳥。知他寂歷斜陽外。消幾度醉眠欹倒。怕有人腸斷登樓。誤認粘天衰草。

金縷曲

題米樓夢隱詞卽用其集中紅豆詞韻

燭炮更闌矣。怪今宵聲聲落葉。都來窗裏。細字蠶眠無多幅。不信愁人至此。看眼底詞流有幾。偶作天風海濤曲。又吹花嚼出紅霞蕊。翩然跨琴高鯉。天涯別緒紛難理。漫沈吟舊

淨眉樓詞卷二

七

歡如夢。流年如水。說著江南腸斷句。中有淚痕隱起。只合付
薛家車子。張緒漂零尤表遠。謂潞卿儘時人笑把周秦比。莫
寒了。調箏指。

又

題汪飲泉秋隱菴填詞圖

十里春風路。有伊人。裁雲縫月。移宮換羽。身是三生狂杜牧。
今日鬢絲如許。只逢著秋孃能賦。問訊汪倫情何似也。桃花
亂落如紅雨。君莫怪。作癡語。竹西歌吹依然否。但年年吳
公臺畔。鬥雞兒女。腰鼓儘消三百副。誰唱康郎樂府。況白石
揚州詞句。何必紅紅方能記。倩笛家吹入蕩洲譜。蜀井水在
何處。

賣花聲

姜怡亭葬女郎于西湖作瘞花圖乞題一詞

小雨夜悄悄。寒戀重衾。朝來香徑怯相尋。不信東風魂不斷。葬得深深。舊事暗沈吟。顛顛而今。長堤宿草有紅心。翻羨當時狂杜牧。來便成陰。

祝英臺近

怡亭秋晴訪碑圖

石排衙。窗列岫。往事記重九。閃閃寒雅。如墨點雙袖。看君走上層巔。摩挲斷碣。全不怕藤纏雨漉。試搔首。要問一片韓陵。共語尚堪否。近日磨崖。山骨斲應瘦。年來愛注蟲魚。肯分金石笑。茶覆懷中。人有

夢芙蓉

蘭村寓大佛寺僧樓同人畢集湘湄爲作湖上雲

萍圖紀以此詞

北風江上冷。正湖天黯黯。客裏淒緊。凍雲幾葉。流出片颿影。
故人期尚準。楓林休負霜信。佛屋蕭然。有兩三倦侶。吟到夜
鐙暈。同調相逢一哂。中酒悲秋。已是三生病。畫中眉嬾不
似舊時靚。雁飛渾未定。夕陽猶戀寒陣。如此江山。又怱怱別
去。十日醉應宵。

清平樂

徐山民吳姍姍夫婦柳陰雙槩合冊屬題

鵝兒搓就。小試調酥手。眉葉腰身誰比瘦。春水生來先皺。
芳草一路芊眠。江南春盡如天。不信別家樓上。陌頭柳色年
年。

醉太平

蘭村移居玉華樓

煙雲一牀。煙波一囊。移家仍住僧房。可青山一窗。平林夕陽。長橋夜榔。只多十里湖光。見南屏曉粧。

暗香

宋西樵爲其妹作梅花于扇湘湄徵君屬賦之
萬花開落。怪東風最早。吹醒寒玉。只有廣平一賦。千秋擅幽獨。憐取山礬是弟。想雷岸書回。應索便說。是便面春多。香冷不盈握。茅屋翠裏薄。正日莫天寒。絕代空谷。怨蛾自綠。愁點當時額。黃角高臥袁郎記否。曾小小珍禽同宿。算合喚楊妹子。爲題滿幅。

疏影

湘湄有所恨。畫青梅子一枝。以寄意霜辛露酸別

有寄託非牧之詩意也。以余有元白之好，知拂面
花故事屬倚聲以紀。

玉梅未落，有枝頭點點酸意先著。茵冷吳娘，不管春寒臨風
自弄霜角。高樓也有人橫笛，但樓外翠禽偷覺。試問伊，葉底
清圓，莫認綠陰成幄。記否年年此際，鴛鴦桃已結子，蠶豆初
熟。山店燒春寒食，時光陌上草痕新綠。消他幾度沈沈雨，已
過了杏花餒粥。又教人腸斷江南，只恐方回難讀。

金縷曲

山民出示 國初諸公寄吳漢槎塞外尺牘，輒題
其後

幾幅叢殘紙，是當年冰天雪窖，眼穿而至。萬里風沙，雪古塔
那有塞鴻接翅。更緘寄烏絲彈指。二集一代奇才，千秋恨，換

故人和墨三升淚。生還遂偶然耳。諸公衮衮京華裏。只斯人投荒絕徼。非生非死。徐邈顧榮皆舊識。立齋難得相門才子。容歎不僅憐才而已。感慨何須生同世。看人閒尚寶瑤華字。只此道。幾曾棄。

生查子

堦前一片苔。青到牆陰住。羅幃是何人。小印香痕去。愁隨鑪篆長。影共燈花語。關了碧紗窗。各自聽春雨。

邁陂塘

二月十四日坐江山船行諸暨道中山水清妍雜花生樹傷春傷別情見乎詞

放輕船。青山影裏。欹斜帆葉低挂。溶溶漾漾平堤水。誰把越羅新砑。花事乍已過了。花朝春月圓今夜。柁樓飯罷。有新柳

泥人間鷗窺客。愁重酒難把。當年事。想見鷗夸妍雅。扁舟
容與其下。一峰最遠眉痕澹。絕似苧蘿初嫁。誰共話。算如此
江山少箇人如畫。先生歸也。問春雨樓頭。杏花賣未。和淚寄
羅帕。

金縷曲

得淥卿山左書并見懷之作走筆寄答

好在張公子。正經年。思君不見。飛來片紙。不過相思加餐飯。
難禁淚痕如洗。更一一新詞同寄。宛轉漂流都不訴。但略言
青鬢。今如此。抱玉泣且休矣。檳榔滿斛。渾閒事。算天涯。相
攜花下。不如歸耳。若得江鄉比隣住。隨意孤村小市。有舍北
舍南。春水鵝鴨。往來菱芡。賤種湖田。豈羨供租稅。只此願幾
時。遂

沁園春

寄伯生

一別三年不見蔣生。可憐酒徒。記長安市上。狂歌痛飲。盧溝
歸路。駿馬名姝。牧豕公卿。爛羊都尉。笑爾盈盈。公府趨。因君
問。怕涕南土少。歷下亭孤。年來豪氣銷除。便載酒江湖。失
故吾。有白頭老母。是兒可念。紅粧少婦。夫婿言殊。歲歲依人。
年年下第。領底鬢鬢。漸有鬢。都休矣。看抱關吏賤。處士聲虛。

百字令

春盡夜酒醒有作

沈沈細雨。又一番春事。一宵將盡。判與惜騰扶醉過。酒到無
慆偏醜。再蕪餘香。重燒紅燭。惜此須臾景。教添半臂。薄寒今
夜猶騰。絕似有客天涯。年年此度。先在河梁等。刻意欲裁

腸斷句筆底落紅成陣。謝女檀郎。濃香淺夢。那有閒心性。中年哀樂。淒然自看雙鬢。

水龍吟

題陶鳧鄉客舫填詞圖

欹斜幾扇烏篷。銷磨詞客江湖老。阿誰畫出。微茫烟樹。翩翻沙鳥。蒼雪往來。當時想見。中仙風調。儘船頭獨酌。船舷獨斂。除漚鷺無人曉。欲放扁舟何處。路彎環牽去。絲風裊東禪寺。畔相思樹底。小紅猶小。我若相逢。阻風中酒。年年都好。笑。恁恁回首。煙波已過。卻松陵道。

新雁過粧樓

漢宮雁足銜

別苑離宮。傳道製分明。燭影搖紅。一行低照。三十六處秋風。

料得調箏孤影裏，伴他促柱。月明中最惺忪，暮傳蠻蠟昏綵。
釵蟲誰憐，長門永夜，正恁時。燈暗聽漏，征鴻寒鴉，雖冷猶
帶曉日。瞳矓。蜀臣帛書難寄，但悵望甘泉，遙舉漢朝來看有。
成堆紅淚，先滿金銅。

月華清

蜀王衍停空鏡

秋老蟾蜍春迴鸞鵲，故宮鉛水猶冷。蜀道青天鑄出一丸孤。
影想當日媚臉，傳紅定照見。醉粧初醒，誰省向麗情集裏，芳
名細認。記否良工質瑩，正繡幌低懸，綺窗幽靚。尖裹羅巾，
有箇如花人，竝算儘隨金盃漂零。問可似玉奴長恨，堪晒怕
後來花蘂宮詞難詠。

瑞雀仙

白玉麻姑像

白雲飛一片是吹來雀背風鬢淩亂方平舊曾見

述菴司寇

認少

年狡曾當時人面良工誰碾定偷闕蔡經宅畔問翩然何處
淺波東海近來深淺堪念一杯春露一擲丹砂年華都換
游仙夢斷垂玉筍淚痕滿想瑤臺月下冰綃帳底妬殺雙成
女伴記有人手爪相如比伊較暖

水龍吟

蒼龍嘯月琴

刺船海上歸來枯桐蛻骨寒雲裏大魚山聽瘦蛟潛舞誰吟
波互萬竅皆暗一丸初上四山如洗有老漁夜半拋來鐵網
珊瑚樹收齊起欲把冰絲偷寫怕滄江百靈騰沸蘇門人
杳廣陵散絕世無此耳黯黯龍文悄悄楚籟匝塵滿矣但好

天良夜魂清骨冷抱金徽。睡。

臺城路

題徐縵雲今宵酒醒圖

阿誰抵死催人去。樓頭五更鐘動。玉筋痕垂。銀荷灰燼。消得
幾番潛送。如塵似夢。有萬疊山低。一篷愁重。月曉風殘。離情
別恨。此時種。江郎賦情漸減。送君南浦路。若箇曾共。白雁
橫天。秋河絡角。江上夜潮初涌。薄衾孤擁。想隔著高城。水精
簾控。吟到銷魂。瘦肩山字聳。

高陽臺

重逢素琴較書

斷夢牽雲。微波怨雨。重逢故國深秋。只隔經年。玉簫已訴離
愁。梁塵漠漠飛難盡。爲雙栖巢印猶留。下簾鉤。掌上迴身鏡。

畔迴眸。思量處處堪惆悵。有蘭釭影事。桂檝前游。當日絲
楊而今解拂人頭。江東才思隨年減。怕雲英見也先羞。一齊
休銀甲彈箏。且合伊州。

憶舊遊

題彭甘亭淮陰鴻爪圖

記相逢市上。偶語橋邊。共識狂奴。斗大山城裏。看無雙國士。
多在窮塗。高臺釣絲飄處。淮水正舒舒。問照影征鴻。而今可
認舊日頭顱。愁余此重聚。又白下秋深。木末亭孤。回首當
年事。話王孫老矣。乞食游吳。羞他少年問訊。長劍佩能無。更
有箇官人。蠻雲蜚雨。唬鷓鴣。謂二

又

辛酉秋重過得月樓美人已遠流水無際卽事淒

眷殊不勝懷屬湘湄作山塘感舊圖因題此解
又秋船疊鼓珠箔飄鏹隔水樓高試認雙柄處看文紗六扇
舊綠都銷隔窗玉鉤閒掛簾影黑周遭歎水遠山重春歸不
信直恁迢迢無憀此重省記子夜休歌午枕回潮欲詔吹
簫事問二分明月何處今宵只有應門楊柳還學沈郎腰賸
當日船孃斜陽喚渡斟酌橋

清平樂

惜花仕女卷

獨兒撼起日影闕簾未屈指春光今賸幾架上茶蘼開矣
褪來袖複胸前耳瑤一半猶懸除卻橫陳時節者回模樣堪
憐

聲聲慢

西湖寒夜懷淥卿山左

酒波暖處鐙暈寒初客愁最苦消凝鏡裏年光誰念暮景飛
騰西湖月荒沙白剩南山尚見高稜定笑我向危樓獨上曲
檻孤凭 忽憶故人千里欲舉杯相屬喚恐難磨雁字同時
須寄一幅吳綾齊州暮煙九點怕柔魂飛夢無憑待見也問
今宵成夢未曾

滿庭芳

風颭窗鐙霜沈街柝客懷鄉思相撩一眉寒月淺澹畫無慘
隔巷不知何樹到更殘轉白蕭蕭難忘處高樓此際心字正
香燒 也應人倦矣下帷小玉滅燭輕綃有雲屏幾曲圍住
春嬌嘗記宵寒呼酒愛看伊登頰紅潮還能否只愁酒醒依
舊是寒宵

臺城路

索張墨池畫僧廬聽雨圖

生平不分江湖老。而今鬢絲如許。羅帳鐙昏。孤篷浪白。何似
僧寮且住。憑君畫取也。未要荒寒十分淒楚。山色湖光。濛濛
更著幾株樹。當年俊遊伴侶。有沈雄騷賦。激烈雞舞。一半
飛騰青雲。自致一半已埋黃土。壯懷漫與。只埽地燒香。佛前
鐙炷。歸到西窗。泥他深夜語。

又

題米樓高山流水圖

世間無事無三昧。惟愁會心人少。半死桐枯。七條絲細。未識
此中何好。有人絕倒。正水遠山長。獨移孤棹。寂寞千秋也應
直得絕弦了。知君一襟幽抱。問悄悄琴趣。幾箇同調。夢裏

菴荒蘆中士賤容易國工先老君有蘆中秋瑟詞也波平風小
聽門外擊音是儂尋到若訪成連刺船歸及早

醉太平

蓮衣詞爲米樓作

紅衣帶接紅顏酒醅休翻驟雨新荷怕鴛鴦夢多 前溪緩
歌中流素波夕陽一舸重過又西風奈何

又

題黃退菴友漁齋圖

庭中碧梧窗中素書看君便老江湖有沙鷗笑無 東家酒
壚西家狗屠客來高坐誰與是煙波釣徒

又

馮玉如月夜聽簫圖

宵寒更清簫聲獨聞碧桃花落紛紛又人閒莫春而今鄂
君名香細熏只他涼月殷勤照秦樓夜深

壽樓春

夢華屬題壽華樓圖

高樓浮雲齊見交疏綺戶飛級唐梯最好肩扶同凭手纖偷
攜看畫取雙蛾眉是曉來春風吹低問淺笑粧成閑情定後
前事可重提天台路桃花谿記量珠未穩尋夢多迷漫恨
親分釵鳳暗通靈犀詞有託詩無題分此生銀河東西算人
欲天從披圖有人應如伊

柳梢青

窗戶誰敲分明花外竹影微搖卯酒醒初丁簾下了閒到無
慘別離魂夢偏勞似八月朝潮暮潮守到黃昏上來紅燭

又是今宵

買陂塘

題陳雪樵畱春小舫圖

記曾經千巖萬壑。中流小舫容與。越孃纖手青絲絳。揀繫垂楊多處。來又去。總負了鸚鵡燕燕匆匆語。知君小住。便挈榼三升。掠波兩漿。敲響水窗戶。人間世。莫道春光難駐。任君青鬢如故。黃皮袴褶從軍樂。已換綠蓑烟雨。儂也誤。算略有三楹草閣分湖路。頻年羈旅。儘竹外花開。江頭水暖。閒殺舊鷗鷺。

洞仙歌

題張晴厓聽香圖

蟾蜍寒玉滴露珠。清曉擣麝成塵。暗香繞怪靈犀一點鼻觀。

先通人微笑莫是遠山須掃 書生病風手側眉橫底用
微揷裏羅小要見玉纖纖報墮金釵難得露麻姑長爪算我
若當筵索新題便背上神鞭也都判了